

T o -

tersuuneq

- Aaqqissuussineq.

Ammasuneq attatiinnar-neqassaaq. Biilerneq annikillis-

arneqassaaq. Pisiniarfii siaruarter-

neqassapput. **Sumi tamaani qor-**

sooqqissunuk eqqissisimaartarfili-

toqarli. Eqqissimaneq. Toqqissimaneq. Isikkivik.

Innutaasunut inissiat. **Najugaqarfinnut atasiakkaa-**

nut politikki naleqqusarneqassaaq. Pinngoritap Eqqa-

aniinneq. Pinguartarfiit pitsaasut. Naasunik naatitsineq. **Najugaqatigi-**

iffit pitsasut. Igalaat angisuut. Illup ilua silaanarissoq. Inissiat ullutsinut

naleqquttut. Skaterarfik. Kulturip Illorsua. **Ataatsimut akisussaaneq. Avatan-**

giisivut paaralugit. Perorsaneq. Nuna isikkorismasaatut illillugu aqqinnejqassaaq. Eqqak-

kanik atoqqiineq. Imerajuttut inissaqarttineqarnerat. Akisussaffimmik tigusineq. **Silap pissusa-**

naapertorlugu sanaartornerup naleqqusarneqarnera. Piujuannartsinermik attaveqaatit.

Eqqarsaqqissaarluni sumiiffit toqgartorneqarlik. Eftersolit. Alisakkani kulfissuaq. Halip allisinneqar-

nera. Ikullavaik. Sisorartartut majuartaat. 60-ikkunnisut aamma 70-ikkunnisullu sanaartornerit unitsinneqarlik. **Illut**

eraginartut isumagineqanngitsut aserfallatsaaliorneqarneri. Illut nutaanngitsut kuuffilersorne-

garneri. Inissian imiq errortuivikut aqqinnejqarlik. Illut ukiut tallimat atornerqarsimangitsut piginnittui aukersiteeqaartinnagit

ingutemeqarsinnaaranerut inissut nataaq. Ataatsimut errorsifer. **Sanaartukkut imminnut qanippallaartinnagit sanaart-**

neqassapput. Inuit angallaffiani toqqissimaneq. **Qasertunik, gernertunik kajortunillu illoqassangilaq.** Aqqut qanina-

arinariift. Kulturitsinuit eqquaassutissat eqqumiitsuliallu. Qaqortup atatiinnarneqarnissa. **Cykertunut naleqqusaaqeq. Pisuttunut**

naleqqusaaqeq. Biilit unittarfii killlersorneqarlik assigingngitsunullu atuuffeqartillugit. **Qalipaatit imminnut tulluartut** - qalipaatit sakkortut ator-

naarlugit. Atotorissaarutit aserfallatsaalioriaqanngitsut qalipaatinik toqgartuinermet killilersuusarpooq. Tutsuiginartumik peqqisaarussillunilu qalipaatinik suliaqar-

neq. **Illut pioeresut pitsaunerusumik aserfallatsaaliorneqartassapput.** Illut eraginartut pitsaunerusumik atorluarneqassapput. Illoqarfiup qeqqani

portusuunik illoqassangilaq - Qinngutinni ajunnigilaq. **Kalaallisut sanaartoriaeseqarneq.** Innutaasut assigingngitsut prisariaqtitaat sunngiffimmiut soqtigisaat

aallaavigneqassapput. Illut akornini silaannaqarnissaq isikkiveqarnissaq pisariaqarluunartuuvoq. Narlorippallaanik kipparissunillu illuliorneq unitsillugu allatut sanaartortoq-

lerli. Illut assigingngitsut ilusillit amerlanerinusinnaapput. **Illoqarfiup qeqqani tamanut pinguartaarfiit.** Illut akornanni ataqatigisitsineqalerli. Inissamik

pilertsisoqarli. **Sumiiffimmik attuumassuteqalersitsisoqarli.** Immikkortut/illoqarfiup ilai immikkullarissusilerneqarlik. Ileqqut kulturillu

tungasigut ataaitsmoartneq tapersorsorneqarli. Illoqarfiik aliansaatoq. Pinngortiaq pingaauteqarpooq. Kikkut tamarmik katersuuffigisinaasaannik, soorlu ammasumik tamanut

tusarnaartitsiveeraasinaasunik, inissaqarttisoqarli. **Illoqarfiup paarinissaanut piiumassuseqarneq.** Nungullarismasut = Soqutiginninnigineq. Isikkutigut takutinniagaq = Atorneqarsin-

naassusa. Ileqqut nutarterinerlu. **Nutaanngitsut nutaatulli pingartaarneqassapput.** Illoqarfiik allannguatsunngortinnejqassanngilaq. **Illoqarfiup oqaluttu-**

assartaqarani ineriaartortinnejqassanngilaq. Illoqarfiimi immikkortut ilaat nutaanngitsut ataqatigisutut suli misigisaqfiusapput. Pioresut ataqqillutut nuta-

amik iliuuseqartoqartassaq. **Illuliortaatsit assigingngitsut atorlugit illut akornanni soqutiginarasaarneq.** (soorlu Katuup Nuuk Centerillu akornanni).

Allagartalersuineq - sumiiffik aqquserningillaq taaguttaat pillugit paassisuttiisineq. Aqit kingunisaq eeqqartaatigalugu pijuartinneqarlik. Illoqarfiik

pillugu oqaluttutut pijuartinneqarlik. Takornariat ornigarneqattit, centerit, Nuussuaq. Qinngorput il.il. pillugit allagartalersuinerit. **Kikkut tamarmik tikilluaqquasaas-**

ut misigissapput. Nuuk issituumi nunat assigingngitsut akornanni illoqarffittut angisuutut najugaqartuton takornarianullu ammasutut inussiarnersutullu misigineqassaaq.

Illoqarfiik assigingngiaartutut inissaqarttisoq peqataatisisorlu. Najukkami ileqnunik kulturikkullu kingornissanik atatitsinissamat qulakkeerinnitusoq.

Inunnik kulturikkullu tungasunut inissaqarttisnissamik qulakkeerinninnejq. Pigisat eragisatut nalilit paarieqassapput. Arlaannut attuumassuteqartutut misigitisiusut. **Kina-**

assuseqarnermik attuumassuteqarnermillu misigisimaneq. Assersutigalugu Kalailiaratoqaq nuunneqarmat inuaqatigut iluanni kulturikkullu isumaa anna-

aneqarpooq. Tamannalu siuaasatta ukiut ingerlaneranni pilersitarvaat. Kalailiaratoqami inuaqatigut imminnut ataqatiginnerat malunnarttineqartarlunilu nukitorsarneqart-

poq. Ogaluttuanik oqaluttuarneq. **Kulturikkut kingornussat Nunatsinni ataatsimut pigisaapput assersuutigalugu illuni ersersinnejqartarluni.**

Kulturikkut kingornussat uummaarissut amerlanerutut pilersinneqarlik. Eqqumiitsuliorartut ataukkortartullu/taalliorartullu imaluuunniit uummaarissu-

mik kulturikkut ingerlatitseqqisut aggersarneqarlik. **Nuumi ikkussukkat, eqqumiitsuliat, qalipakkat, assit videulu atorlugu qlequt-**

ut pillugit oqallinneret nassuaasersuinerillu ingerlanneqarlik. Illut eraginartut. Ittoqortoormiini niupert illua oqaluffillu. Tasilami ammerivik Skæven

amma Oqaluffik. Nuuk kissartaalluni najukkami oqaluttuarisanermut atatillugu katersugaasevqangnitsoq. **Nuuk nammineq najukkami oqaluttuarisanermut**

atatillugu peqatigiiqeqassaaq. Kommunip naleqartitani pingaartissavai. Tasiusuarmiit Orsiiviuup tungautan imikkortoq immikkullarissuulunilu Kalaalit Nunaata

ineriaartomeranut atatillugu oqaluttuassartanuit ilaavog. Inuineq maani 1950-ikkunnin ataaitsimoortinnejqartarluni ingerlavog. **Nuutoqaq Nuummi kulturikkut naleqart-**

tani pingarneresaavoq. Nuutoqaq allanngutsaaliorneqassaaq. Frilandsmuseumningortinnejqassaaq. Portusuunik illulioriinissamik pisariaqarttisoqarangat seqinnertarnera

qaamaserneru eqqartaatigineqartassaaq. Nuuk avammut allisineqassaaq. **Illut illoqarfiup qeqqani eqiterutsinnejqassanngillat.** Innutaasunut anersaartorfissa-

nik pilertsisoqarli, soorlu Nuutoqqami. **Sanaartoriaatsip pitsangortinnejqarneratigut oquk pinaveersaartinnejqarli.** Toqqissimaneq - inuit kissalaartut

- akuersarneq - ileqqoq. Nunap qalpaatai, soorlu qilaap tungujornersut ittit, svenska aappaluttutut ittit, ivikkatut qorsunnik qalpaatilit, kaariatut sungaartut qagortoru

tarmiut eqqissitsisutupp tamanilli eqjimaatigilisutisusarlutik pingorritameersumattut. **Toqqissimaneqartisartunik allallit.** Qisunnik qiperukkut. Ilusit illullu

najukkami atotorissaarutinik, soorlu ujaqqanik, ivikanik qaarsunillu sanaartukkut. **Atotorissaarutit pingortitamik ileqqulunneqarsimasunillu (qisuk)**

takutitsisutus. Isinut autornartut eqqissintarullu. **Illoqangnnersami uumasunut inissaqarttisineq.** Pisuttuarluni ornitassaqarnissaq. Naapittarfassat.

Issiaut takisuut. Pingortitamut naleqissakkani pinguartaarfiit. **Aserfallatsaaliiqeq, taamaalunni meeqqat inuusutullu illoqarfimmink paarsil-**

luarnissaminnik ilinniassapput. Illut toqqissimaneqassapput, soorlu Qinngutinniittutut, pinaveersaartinnejqassapput. Paamiuni blokkit inoqangngitsut qimatallu. Illoq-

arfimiim illut nutaannginnersasut eragisassallu kusanartut atatiinnarneqassapput. **Illoqarfinni minnerni sumiiffit illullu oqaluttuassartai pingaruteqarlu-**

innarput. Illoqarfimiim pigineqartutut ataqqinnersitsisoqassaaq. Illoqarfimiim illutoqqani ileqqunut/kulturimut tunngassuteqartut ilanngunneqarnissaat isumassartsial-

avoq. Ogaluttuassartai atuuffiilu imminut ataqatigilisapput. Aneersuartaarfikkut aqqusinnguanit eqqaamasat nuannersuupput. Taamani meeqqerivit, pisiniarfii qamuteeqqa-

nillu sisorartarfii sanleriaapput. Assiignngitsunk atuuffilit akulerussuutinnejqarneri toqqissimaneqmisitigitisuusarput. **Illoqarfiup silataa innutaasunut "anger-**

larsimassut" misigitsisuuusarpooq.

Taamaattumik tamanut ammasut "angerlarsimaffippalaassapput", alianaattutullu toqqissimaneqartullu isikkoqartinnejqarlitut.

ILLULIORTAATSIMUT POLITIKKI

– kommunimi illoqarfinni nunaqarfinnilu illuliortaatsimi pitsaassutsit naleqartitallu qulakkeerneqarnissaannut nukitorsarneqarnissaannullu sakussaq



QAQORTOQ NUUK

Imarisai

Aallaqqasiut	5
Siulequt	7
Illuliortaaseq sunaana?	9
Sermersumi naleqartitat	11
Illuliortaatsimut politikkimi anguniakkat	13
Illuliortaaseq kinaassuseqalersitsisoq.	15
Inissiat pitsaassuserlu	17
Illoqannginnersat illoqarfimmilu inuuneq	19
Piffissaq sumiiffissarlu	21
Iliuuseqarneq	23
Sanatitsisutut illunillu piginnittutut	24
Oqartussatut	25
Ilitsersuisutut isumassarsiorfittullu	26
Sakkussat	27



ILLOQARFIIT TITARTARUK

Aallaqqasiut

Kommuneqarfik Sermersuumi illuliortaatsip qitiutinnejarnissaq qangalili politikkikku kissaatigineqarnikuvoq, aammalu kommunip Pilersaarusiornermut periusissiaani 2014imi tamanna qitiutinnejartus-satut akuersissutigineqarpoq.

Kalaallit Nunaanni illuliortaatsimut politikkit siullersarimmassuk, Kommuneqarfik Sermersuumut pingaartuuvoq, innuttaasut illuliortaatsimut tunngatillugu qanoq isumaqarnerannik aammalu »najugaqarnermi« naleqartitat pillugit qanoq isumaqarnerannik aallaave-qarpoq. Taamaattumik Kommuneqarfik Sermersooq suliamik aallartsinermini »naleqartitat pitsasut« pillugit innuttaasunut ajornann-gitsunik apeqquteqartarluni aal-

lartippoq. Akissuteqaatigineqartut kingusinnerusukkut politikkimut ilanngunneqarput immikkoortunnullu ukununnga tunngaviliisup-put,

**Illuliortaaseq Kínaassutsimik
Pilersitsisoq,
Inissiat Inuunermilu
Pitsaassuseq,
Illoqannginnersat
Illoqarfimmilu Inuuneq
aamma Piffissaq sumilu.**

Naggasiullugu politikkimi Iliuutsit immikkoortoritinnejarnpoq, tassanilu illuliortaatsimut politikkip kommunimi suliat ingerlanerinut qanoq ikorfartuutaasinnaanersoq allaaserineqarpoq.



KIMMERNAT NUUK

Siulequt

Illuliortaaseq ataasiakkaanut inuiaqatigiinnullu naleqalersitsivoq.

Illuliortaaseq ataasiakkaanut inuiaqatigiinnullu naleqalersitsivoq. Taamaattumik avatangiisitsinna tamani illuliortaatsimi pitsaassuseq ilanngullugu isumaliutersuutigissavarput.

Aatsaat pitsaanerpaamik pilersarusrorlatalu ilusilersuigutta, tunnissaqarnissamut, peqataanissamut ukkassinissamullu periarfississa-vaatigut.

Kommuneqarfik Sermer-suumi illuliortaatsimut politikkeqarnermi angunia- gaavoq

- illuliortaatsimi naleqartitat imikkullarissuserlu nanissallugit

- naleqartitat aalajangiusimassallugit, eragissallugit nukittorsassallugillu
- pitsasunik atorluarsinnaasunilu illuliortoqarlunilu sanaartortoqassasoq

Kommunalbestyrelse illuliortaatsimut politikkimik, Kommuneqarfik Sermersumi pitsaasumik illuliortaaseqarnissamik siammerterinissamillu paasinnittoqarnissaa siuarsarniarlugu, akuersissuteqarnikuovoq. Illuliortaatsimi naleqartitavut inoqarfinnilu tamatiguussuseq qitutissavarput. Inissiaqarfiiit, inusutissarsiuteqarfiiit qiterisaqarfiiillu illoqarfimmi avatangiisaapput assiginnitsut amerlasuullu, tamarmil-

lu pitsaassuseqartuunissaat tamatta kissaatigaarput. Atuuffissaatigut isikkuatigullu taamaappoq.

Illuliortaatsimut politikkeqarnikut nuannaarnerulersinissaq, kusanartunik avatangiiseqarnissaq, ataasiakkaanut inissaqartitsinissaq aammalu ataatsimoornissamut inissaqartitsinissaq kissaatigaarput. Sumiiffimmut aala-jangersimasumut, pitsaassuseqarlutillu ataatsimoorluta paarilluar-sinnaasatsinnut, inuit ataasiakkaat nuannaarnermik toqqisisimaner-millu misiginissaat kissaatigaarput.

Illuliortaatsimut politikki inuttut pitsaassutsimik tunngaveqartoq.

Illuliortaatsimut politikki atorluariuttoq

Asii Chemnitz Narup

Borgmesteri
KOMMUNEQARFIK SERMERSOOQ



QAPIARFIUSAQ NUUK

Illiorortaaseq sunaana?

Oqaaseq illiorortaaseq (arkitektur), latiinerisut architectura, isumaqarpoq illut, init imaluunniit ilutsit timitallit ilusilersorneqarnerisa kusanartuliarineqarneri ilisimatusaatigineqarnerilu.

Illiornermi kusanartuliorantaatsip pitsaassusaa uninggaannartutut taaneqarsinnaanngilaq, kisiannili pif-fissami pilersinneqarnera tunngavili naleyqqiullugit naliligassaalluni. Illiornermi kusanartuliorantaatsip pitsaassusaata inernerri allangortinneqarsinnaangitsut illiorortaatsimut politikkimit inissinneqassann-gillat, kisiannili kikkunnut tamanut eqqarsarluarnissamik isumassarsior-fulunilu kajumissaarinerussaaq.

Illiorantaatsimi sorpassuit pineqarput, inerujussuarnit takusasanut minnerpaanut. Illuni, sanaartukkani, illoqarfinni, sumiiffinni inissani, nunaani attaveqarnerilu takuneqarsinnaavoq.

Illiorortaatsimut politikimi pivarpot illiorortaaseq pitsaasoq:

- iikkat avatangiiseralugit inuunermik pitsaasumik sinaakkusii-gaangata
- sanaartukkat uatsinnut toqqisisimatitsileraangata, alaatsina-atsitsileraangata ulluinnarnilu pitsaassutsimik tunniussaqara-angata
- misigisaatigut iikanit avatangiisitsinnit sunnerneqaraangata; avatangiisit paasinartunngortarput, inunnut tunngatillugu aamma ataatsimut inooqatigiin-nermi isumassarsiorfennik sinaakkutinik tunisigaangata,
- illoqarfitt illullu piujuartitsisu-ut, assersuutigalugu atortunik

nukissiutinillu atuinerrik anni-killiliinikkut taavalu inooriaatsip piujuartitsisup siuarsarnerati-gut, maannakkut siunissamilu qaqugumut.

Illiorortaaseq pitsaasoq torralla-taasinnaavoq mutiullunilu, taama-akkaluartoq suli annertunerusari-aqarpoq. Illiorortaaseq pitsaasoq sumiiffimminut innuttaasunullu tunniussaqarsinnaasariaqarpoq: Ininik takujuminartunik, attorlugit pitsaasunik imaluunniit uninngafiginissaanut allanillu naapitsinis-samut tililluaqqquisutullusooq ittunik pilersitsinissatsinnut kaam-mattussavaatigut. Sumiiffimmik pitsaasumik pilersitsinissamut ikor-fartuutaassaaq.



ILLUT AKORNGI

Sermersuumi naleqartitat

Illuliortaatsimut politikkimi naleqartitat inuunerlu pitsaassusilik qitiutinnejqarlitik.

Kommunimi illuliornermi kusanartuliortaatsikkut naleqartitat inoqarfíllu assigiinngisitaarneri Kommunalbestyrelsimit aallutarineqarput. Kommunimi illuliornermi kusanartuliortaatsikkut naleqartitat kulturikkullu oqaluttuarisaanerit tassaapput kikkunnit tamanit isummersorfigineqartut, taamaammat inoqarfitsinni naleqartitatta inissisorerinut kommunimi innuttaasut tunniussaqarnissaannut Kommunalbestyrelsimit aggersarneqarput. Innuttaasunik pe-

qataatitsinermi anguneqarput naleqartitat pingaarutillit, ilaqtigut qanga pisimasunut ataqtigjinnermik kinaasutsitsinnik takutitsilluarsinnaasut.

Innutaasunik peqataatitsinermit oqariartutigineqarpoq, illut avatangiiserat kusanartuussasut pilerinartuullit. Inissiat pitsaasut illoqarfíllu ilaatoqqisisimanartut angissutsimikkut uninngaafingineqarsinnaasut kissatigineqarput taamaammallu aseroterinissanut naleqarnerinullu suunn-

gitsunut pinaveersaartitsisinnaallutik. Innutaasunut ataasiakkaanut inuiaqtigjinnullu tamanut inuunermik naleqartitanik annertusaassaaq.

Innutaasut naleqartitaat sammisat sisamanngorlugit immikkoortinnejqarput, 1. Illuliortaaseq kinaassuseqaler-sitsisoq, 2. Inissiat inuunerlu pitsaassusilik, 3. Illoqarfimmi Illoqannginnersat taavalu 4. Sumiiffit Silaannarlu. Innutaasut naleqartitaat pingaarnertut naalisarlugit ataani atuarsinnaavatit.

INNUTTAASUNIT KISSAATIGINEQARPUT:

Illuliortaaseq kinaassutsimik pilersitsartoq

- Kulturikkut illorsuaq
- Immikuullarissuseq kinaassuserlu
- Illut kulturikkut kingornussat oqaluttuarisaanerlu
- Oqaluttuarisaanernik ilanggussineq atuutsitsinerlu
- Nalinginnaasunngitsumik eqqarsarneq – silarsuup sinnerata qimerloornissaa

- Ataqqinninneq peqqissaarnerlu
- Akisussaaffik
- Angallattut mianersuunneqartus-sat cykelertullu
- Biilertut biilillu uninngasarfii ikilil-lugit
- Pinnguartarfiit amerlanerit
- Inuit inuttut nalinginnaasutut inn-gitsut inissaqartinneqarnissaat
- Inissaqarneq isikkivillu
- Nunaminertat sanaartorfiunn-gitsut
- Pinngortitap eqqaaniinneq

- Inooqatigiinnikkut kulturikkullu eqqisisimaartarfiit
- Nuutoqqami uummaarissuseqalernissaa
- Sumiiffit qorsooqqissut siammar-nerunissaat eqqisisimaarfiusinna-asut pinnguarfiusinnaasullu
- Illoqarfíup illoqannginnersaani uumasunik inissaqartitsineq
- Illoqarfimmi illoqannginnersat innutaasut angerlarsimaffiisa aappaaraat
- Pisiniarfiit siammarsimanerusut
- Avatangiisit eqqisisimanartut toqqisisimanartullu
- Illunik aserfallatsaaliuineq

- Qalipaatit ataqtigjinneri ataqtigiissut
- Atortup pinngortitap atortuutai atorneqartut
- Qammaqqutit
- Sanaartornerit kusanartut avangan-jiillu kusanartut
- Illoqannginnersanik kusasaaneq
- Illoqarfimmi illoqannginnersat ulloq unnuarlu uummaarissut
- Uteqqiineq pinnagu nikerartunik atuineq

Piffissaq sumiiffissarlu

- Silap pissusianut tulluarsaarineq
- Sumiiffit assigiinngissusaat aallaavigineqartut
- Ataqatigiinneq eqqarsaatigalugu pilersaarusrioneq
- Pilersaarusrionermi pinngortitaq ilaatinnejqarluni
- Tikkuminassuseq
- Illoqarfigisani atortussat
- Suut tamakkiisumik eqqarsaati-galugit
- Sila, seqineq, isikkivik, nunap ilusaa najoqquqattallu aallaavi-galugit pilersaarusrionit
- Inuunerup pitsaassusaa

Inissiat inuunermilu pitsaassuseq

- Inissiat pitsaasut ullutsinnullu naleqquttut
- Sanaartorneq mingutsitsinngitsoq nukissiutitigullu mingutsitsinngit-soq
- Isikkivik, seqineq inissiallu qaamasut
- Angerlarsimaffik toqqisisimanartoq avatangiisillu toqqisisimanartut
- Attuumassuteqarneq avatangiisillu qanittumiittut

Illoqannginnersat illoqarfimmilu inuuneq

- Toqqisisimaneq
- Qanigisariinneq



PAAMIUNI PINNGUQARTARFIK

Illuliortaatsimut politikkimi anguniakkat

Illuliortaatsimi politikkimi anguniakkani allaaserineqarpoq, naleqartatsinnik qanoq ilillugu paarsillarusunnersugut, aammalu qanoq ililluta ineriertortitsinikkut naleqartitanik nutaanik pilersitserusunnersugut. Anguniakkat sisamanut immikkoortinnejarpuit, tamarmik immikkut illuliortaatsip silarsuaani ataatsimik sammisaqarfiusut.

- 1. Illuliortaaseq kinaassuseqa-lersitsisoq, inuit ataasiakkaat kinaassusiat, sumiiffiup ilisarnaataa aammalu ilisarnaat ataatsimoortitsiffusoq**
- 2. Inissiat inuunermilu pitsas-suseq, inissiaq pillugu inuunermi inissaqartitsisoq, inissialiat toqqissisimanermik siuariartorfiusussat**
- 3. Illoqannginnersat illoqarfimmilu inuuneq, illoqannginnersani inuit naapiffigisinnaasat pillugit**
- 4. Piffissaq sumilu, pinngortitap atugassarititai periarfissarititaalu pillugit upperinninneq**



TASIILAMI OQALUFFIK

Illuliortaaseq kinaassuseqalersitsisoq

*Inuit ataasiakkaat kinaassusaat, sumiiffiup ilisarnaataa aammalu ataatsimoor-
fittut ilisarnaat*

Illulioriaaserput kulturitsinni pingaarutillit ilagaat, inoqarfivullu uaguunitsinnik, kinaassutsitsinnik takutitsisuupput. Illulioriaatsip oqaluttuassartaa oqaluttuariaanitsinni uppernarsaataasut pingaarnersaraat – siunissamilu taamaattussaalluni. Taamaattumik ataatsimoorluta kulturitsinnit kignornussatta paarilluarnissat pingaruteqarpoq.

Ullutsinni siunissamilu immitsinnut paasinissamut, qanga pisimasunut toqqammavigisatsinnullu attave-qarnissarput pingaaruteqarpoq. Nutaanik illuliorutta, toqqamma-

vipput nutaanik qallertarparput, taamaasillatalu oqaluttuarisaaner- mut ullutsinni inuunerput ilann-guttarlugu. Illulioriaatsitsinni immitsinnut siunissamilu kingua- assatsinnut ilisarnaateqarpugut, taamaattumillu sumiiffik, inuit oqaluttuarisaanerlu ataqqillugit in- gerlanneqassalluni. Taamaasillata kinaassuseq nukittorsassavarput, taavalu kulturerput oqaluttuarisa- anerpullu pisuujunerulersillugit. Illuliortaatsip inoqarfiiit asseqann- gitsumik kinaassusiat nukittorsar- lugulu ikorfartussavaa. Inoqarfiiit sumiiffii, avatangiisaat, oqaluttua-

sartaat immikkullarissusiallu in- oqarfiiit ilisarnaataannut pingaa- routeqarluinnartuuvoq. Inoqarfiiit ilisarnaataasa nukitorsarneqarnis- saat ikorfartorneqarnissaallu Kom- muneqarfik Sermersup kis- saatigaa, taamaasilluni inigisap inoqarfiullu naleqassusianik misi- ginissaq annertunerulersissallugu. Inoqarfiiit pilersaarusrorfiginerini ineriartortitsiffignerinilu ataatsi- moortumik eqqarsarluni aammalu inoqarfiiit ilisarnaataat ataqqillugit pinissaa pingaruteqarpoq.

Illuliortaatsimi politikkimi anguniarneqarpoq:



- illut ataasiakkaat avatangiisillu im- mikkuullarissuseqartut eragine- qarnissaat
- illut nutaat illoqannginnersallu oqaluttuarisaanitsinnik pisuunn- guallatsitsinissamik toqqammave- qassasut
- inoqarfiiit pilersaarusrorfigineri ineriartortitsiffignerilu inoqarfiiit ilisarnaataannik toqqammaveqas- sasut



NAJUGAQ

Inissiat pitsaassuserlu

Inissiaq inuunermi najugassatut, inissialiat toqqissimanerulersitsisut

Inissiaq pitsaasoq timikkut tarnikkullu peqqinnerulersitsisarpoq. Inissiaq pitsaasoq inummut qulakkeerisuvoq, inuunerullu ingerlarginut assigiinngitsunut ikorfartuutaallunilu sammisassanut inissaqartitsisuvoq, ilaqtariinni immikkut ataatsimoorlunilu allanillu peqateqarluni. Inissiaq pitsaasoq ataasiakkaanut avatangiisinut ataatsimoorussassanullu attaviliusuvoq, pinngortitamut isikkiveqarnikkut inissianullu allanut isikiveqarnikkut. Peqatigitillugu imminiususeqarnerit illersorneqarpoq, kissaatigingisatit pinaveersaartinniarlugit silallu pissusaa-nut illersorniarlutit.

Inissiaq eqimasumik inissimapata, inissiaqarfiiq pilersinneqartarput. Inissiaqarfiiq toqqissimaffi-usut eqqaamiorissaarfiusut, illullu akornini uummaariffiunissaq pilersissavagut. Inuit naapeqatigiiffigisinnasaanik periarfissaqassaaq; oqqiffissalinnik, seqinnisaarfis-salinnik, isikkivigissunik aammalu naapisimaarnissamut toqqissi-simanarlutillu pissusissamisoortun-ik.

Ineqarfiiq angissusat ilusilersor-nerilu, ilusaat qalipaasersorneqarnerilu ataqtigiisitsissapput assigiinngisitaartuullutillu, imminut ataneqarlutik paasineqarsin-naallutillu. Ineqarfiiq kikkunnit tamanit tikinnejarsinnaassapput; kaassuartakkanik qamuteqartut tappiitsullu namminneq najukkaminnut taamaallaat isersinnaagin-naratik, aamma allat pulaarnissaanut periarfissaqassapput.

Illut, illuliorfigineqartullu qanit-tumiittullu pissanganartuussap-

put misigisaqarfiusinnaassallutillu, siunissamilu eragineqarnissamin-nut piukkunnassuseqassapput, ullutsinnilu aserfallatsaaliorne-qarsinnaassallutik. Najugallit misigisimagunik eqqartik toqqi-sismanartuusoq, taava inuit

sumiiffillu akornanni attaveqa-tigiinneq annertunerulersarpoq, avatangiisillu paarilluarneqarnissa-annik, ataqqineqarnissaannik aki-sussaaffiginissaannillu misigisima-neq annertunerulersarpoq.

Illiortaatsimut politikkimi anguniarneqarpoq:



- inissiat tamarmik ataqqinassusilim-mik timikkut tarnikkullu inuuneqarnissamut sinaakkutaanissaat



- inissiaqarfiiq tamarmik ataatsimi-iffissatut ataatsimoorfissatullu, toqqissimanermut, attaveqarner-mut akisussaassuseqarnermullu si-naakkutaassasut

- nutaamik illuliornerit, nutaamik allangortiterinerit sumiiffimi-pitsaassutsimik ataqqinninneq toqqammavigalugu ingerlanneqas-sasoq, aammalu isigisat atuuffissa-asalu sakkortusarneqarnissaat



ILLOQANGINNERSAQ AMISUT

Illoqannginnersat illoqarfimmilu inuuneq

Illoqannginnersat illoqarfimmilu inuuneq, illoqannginnersani inuit naapiffigisinnasaat pillugit

Illut akorngi tassaapput nunaqarfiup illoqarfiullu illoqannginnersai. Sumiiffinni taakkunani immitsinnut naapitarlugut allanillu naapitaqartarluta, namminiussuseq qimattutullusoq il-lugu inuiaqatigiit sinnerinut akuliulluta inooqataalertarpugut. Illoqannginnersaq pitsaasoq ataatsimoornermik, ataqatigiinermik akisussaassuseqarnermillu ineriertortitseqataasinnaavoq.

Illoqannginnersap pitsassusii pilersinniarlugit

- uku aallaavagineqassapput; nuna-minertat annertuut portussuttsillu inuup timaanut sumiiffimmilu pine-qartumi sammineqartussatut eqqar-saatigineqartunut naleqquttut,
- tamanut tikkkuminartuussaaq inissaqarluarluni, utoqqarmut, meeqqamut, issiavimmik assaka-asulimmik atusumut tappiitsumul-luunniit naapeqatigiiffiusinnaasoq najoruminartorlu,
- qullilersugaassaaq; illoqannginnersat qullilersugaasut ukiuuneran katersuuffiusinnaasarlutilu toqqi-simalersitsisinnaasarpot, aamma eqqissisimaarfiliortoqarsinnaallu-nilu immikkoortunik pilersitsisoqar-sinnaavoq.
- - mikroklima; sumiiffit oqquartami-ittut segerngullu kissarfigisaaniittut sivisunerusumik najorneqarsinna-apput ilorrisimaarfingineqarlutik, aammalu nipiilorfiunngitsut sila-annarmillu mingutsitsiffiunngitsut ilorrisimaarnerulersitsisarpot, qimakkuminaatsisarisarlutilu

Illoqannginnersat ataqatigiittarpot, allaanerlu ajorlutik sumiiffimiit su-miiffimmut ataqatigiittut. Tamannalu illoqannginneranut imminnut atasunik

aqqtissaliornikkut annertunerulersis-sinnaavarput, taamaalilluni sumiiffim-miit sumiiffimmut isumannaatsumik angalaartoqarsinnaanngorlugu. Illoqannginnersat ilaat timigissarfiusin-naassapput; pinnguarneq arsalerineq, illoqannginnersallu ilai nipaammiun-is-mut oqaloqatigeeruojoornissamul-luunniit tulluartuusarpot. Inuit pisari-

aqartitaat kissaataallu assigiinngillat, illoqarfitsialammilu illoqannginnersat assigiinngisitaartut assigiinngitsunik periarfissallit nassaassaasarpot, meeqqat, inuusuttut ilaqtariit kiisalu inuuniarnikkut ilungersunartorsiortut inissartinneqartarlutik – sumiiffit kik-kunniilluunniit naapeqatigiiffiusinna-asut toqqissisimaarfiusinnaasallu.

Illiorortaatsimut politikkimi siunertaavoq:



- illoqarfitta nunaqarfittalu tamati-goortuulernissaat, pitsaunuk toqqissisimanartunillu kikkunnul-luunniit atuuttunik illoqannginnersaqarnissaat



- illoqannginnersat nutaat siunissa-mi qanoq atorneqarnissaat pitsas-susissaallu siunniutereerlugit pilers-inneqassasut



- Illoqannginnersat atorluane-qanngitsut ajornanngippat ator-neqarsinnaasunik periarfissar-siuunneqassasut taamaalillutik uummarissarneqarlutik



- illoqannginnersat pigisavut ukiut inuunermilu qanoq inisisim-afeqarneq apeqqutaatinnagit orniginarsarneqarsinnaassasut, il-loqannginnersanilu inuit biiliun-gitsut salliutinneqassasut.



EQALUGALINNGUIT NUUK

Piffissaq sumiiffissarlu

Piffissaq sumilu, pinngortitap atugassarititai periarfissarititaalu pillugit upperinnineq

Illuliortaaseq pitsaasoq sumiiffimik piffissamillu aallaaveqartarpoq. Sumiiffimmi oqaluttuarisaneq tuaaniarsarigutsigu taakkulu tunngavigalugit sanaartorluta sumiiffimmut akerliunngitsumik sanaartussaagut, oqaluttuarisaane-ralu ingerlateqqillugu. Sumiiffimmi silaannaq pillugu ilisimasaqarneq tunngavigalugu sanaartorutta sumiiffik naleqarnerulersissavarput. Nutaamik sanaartornitsigut sumiiffimmi qanga pisut ullutsin-neersunik ilasarpavut, ullutsinnilu oqaluttuassartap oqaluttuarinissa pingaaruteqarpoq, taamaalior-sinnaavugullu tullusimaarutigalugu. Oqaluttuassartaa kinguaariit tulli-uttut nersorniarsinnaasaat. Nunatta ilusaa silaannarpullu sana-atoriaatsitsinnut, nunaqarfinnik illoqarfinnillu tunngaviliisarnitsin-nik siusinnerusukkut aalajangiis-usarput. Qaartiterisarneq nutaaliasunillu sanaatoriaaseqalernikkut taakku tunngavigisarneri ilaatigut qimakkiartuaarpavut, illoqarfiillu ilai sanaartukkallu ilai sumiiffiup qanoq issusaanit aallaaveqarna-


tik, nunarsuatsinnili sumiluunniit sanaartugaasinnaagaluarlutik. Tamatumi kinguneraa sanaartukkat kulturitsinnut kinaassutsitsinnullu attuumassutaarukkiartorsimane-rat, aamma inissiat illoqarfillu pitsaassuseerukkiartorsimapput, ataatsimoorfefqarnissamullu kaju-missaarerpalalaratik. Taamaattumik sumiiffiup pingaarutaasa nutaamik inissaqartinnissaat anguniartari-aqarparput.

Illuliortaatsimi attassiinnarnissaq nutaaliornissarlu pineqarput, sumiiffimilu pitsaaqutit suli pitsang-gorsarnerunissaat tunngaviussal-luni, tassa nunap ilusaa, silaannaq aamma sanaartukkani atortu-lersuutinilu kulturerineqartoq eqqarsaatigalugit. Immikkoortup ilaani pitsaaqutit ujartussavagut pitsangorsaqqillugillu. Sanaartuk-kaat nunaannaallu akornanni ika-arasaariarnerit ersarissut naleqqut-tullu allanngutsaolineqarnerisigut kiisalu sumiiffiup immikkullaris-sutai ilusaalu eqqumaffigigaanni tamanna anguneqarsinnaavoq.

Illuliortaatsimut politikkimi siunertaavoq:



- Nunap ilusaa pioreersoq sumiiffimilu silaannaq aallaavigalugit pilersaarsiertoqartassasoq, sanaartortoqartassasoq atortulersu-isoqartassasorlu



- Illut sanaartukkallu nutaat su-miiffiup pitsaassusiinik qaffas-saasuunissaat, piffissaq atuuttoq eqqumaffigineqassasoq, piffissarlu qaangiutereersoq siunissamilu pi-sussat ataqqineqassasut

TASII LAO
MIDTPUNKT

TASILAQ

ILLOQARFIUP
GEAC

CELESTE

den

MATIDE

TUNUMI INERIA RTORTITSIVIK

ØSTKYSTENS VÆKSTCENTER

TASIILAMI ILLOQARFIUP INERIARTORTINNEQARNERA PILLUGU SAQQUMMERSITSINEQ

Iluuseqarneq

Illuliortaatsimut politikki anguniak-
kat ilaannik allaaserisaqarpoq. Angu-
niakkat taakku tamakkerlugit angus-
sagutsigit inuiaqatigiit tamakkerlutik
suleqatigiissutigisariaqarpaat, inuit
ataasiakkat, suliffeqarfitt namminer-
sortullu pisortalluunniit peqatigil-
lutik. Illuliortaatsimut politikkimut
atatillugu ilitsersuutitut najoqquta-
tullu atorneqarsinnaavoq, sanaartu-
gassatut suliassap tiguneqarneraniit
illussamik titartaasup, sanaartortsisi-
sup pilersaarusiortullu aalajangigas-
sai qanoq ittuusariaqarnersut.

Pilersaarummut peqataasut amer-
lagaluartut Kommuneqarfik Sermer-
sooq maligassiuunermi siuttuu-
nissaminut periarfissagissaarpoq.

1. **Sanaartortsisutut sanaartuk-
kamillu piginnittutut**, *sanaar-
tortsisut sanaartukkamillu pi-
ginnittut anginerujussuit ilaattut
kommunip pisussaaffi eqqarsa-
atigalugit*
2. **Oqartussatut**, *pilersaarusiorne-
rup ingerlanneqarnerani illulior-
taatsip pitsaanerusup siuarsaavi-
ginissaa eqqarsaatigalugu*
3. **Ilitsersuisutut isumassarsisu-
tullu**, *atuarfinni atuartitsinermi,
inuiaqatigiinni oqallinnerni aam-
ma sanaartortsisumut ikuun-
nermi*
4. **Sakkussatigut**, *illuliortaatsimut
politikkip pitsangorsaqqinnis-
saanut iliuusissani sakkussaqar-
titsinermi*

Sanatitsisutut illunillu piginnittutut

Sanatitsisutut illunillu piginnittutut angisuutut pisussaaffit pillugit

Sanatitsisutut illunillu piginnittutut anguniagassamut malinninersut misissortarniarlugit.

Kommuneqarfik Sermersuumit atuarfiit, meeqqerivijit, inissiat kommunimilu sulisunut suliffiit inuttaasunut sanaartorneqartarput. Illulioraatsimut politikki atorlugu siunissami pitsaanerusumik sanaartornissatsinnut toqqamaviliissaagut. Siuliani immikkoortuni sisamani anguniakkat siunissami sanaartornermi sulianut najoqqutassatut atorneqarsinnaapput, tassanilu kommunimi ingerlatsivik suliffiup iluani siunnersuisunullu nakkutiginnittarsinnaalluni

ilaatigut illulioraatsimut politikkimi anguniakkat sanaartornermi anguniagassamut malinninersut misissortarniarlugit.

Illorpassuit Kommuneqarfik Sermersuumit piginneqarput. Piginnittutut illunik ingerlatsinissatsinnut aserfallatsaaliuinissatsinnullu aksussaavugut, aamma illu allanut siunertanut qaqugu sangutissanerlugu nammineq aalajangertarparput, aammalu naggataatigut qaqugu illu isaterneqassanersoq. Illut paarilluarneqannngippata aserfallallutillu, avatangiisinut pitsaanngitsumik sunniisarput. Kommunip illuutaasa ilai kulturikkut oqaluttuarisaanikkut illuliornermilu kusanartuliatigut annertuumik naleqarput; matumani illut nutaaruinnaat aammalu nutaannngitsoru-jussuit pineqarsinnaapput.

Illulioraatsimut politikkip akuersissutigineratigut illut paarilluarissaannut, illut naleqarluartut eriaginissaannut aammalu illut aserfallatsaaliorneqarnissamut periarfissaqanngitsut pissusissamisunngitsulluunniit isaternissaannut pisussaavugut.

Illoqarfimmik inerisaanermut sanaartorfissagissaanermullu atatillugu sanaartugassat angisuut Kommuneqarfik Sermersuumit sanatitsisutut suliarineqartarput. Aamma matumani illulioraatsimut politikki atorneqassaaq. Aqquserngit, kusserngit aamma kuuffissuit pilersuinermilu ledningit inissimaffissaasa misigner, nunamut attavegarneri, tikeriaannaaneri toqqisisimanernerilu uuttorlugit aalajangerneqarsinnaapput.





TUUJUMMI INISSIALIORTITERNEQ

Oqartussatut

Pilersaarusiorneq aqqutigalugu pitsaanerusumik illuliortaaseqarnissap siuarsar-neqarnissaanut periarfissat pillugit

Kommunimut pilersaarummik kommunimi nunaminertanik atuinernut tamanut aalajangersaqartunut Kommuneqarfik Sermersuumit aalajangersaanissaq sularineqartussaavoq.

Periarfissaatillugu illuliortaatsimut politikkimi anguniakkat attumas-suteqartut Kommunimut pilersaarummi ilangunneqassapput, taamaalillutik inerisaanissamut pittoctorsimaniassammata illuliortaatsimullu politikkitut ilitsersuutitut atuinnaassanngimmata.

Nunaminertanut oqartussaqarfimmi sullissinermi qinnutigine-qartup pilersaarummi aalajangersakkat atuuttut malinneqarnersut naliliiffigissallugit periarfissaavoq. Pilersaarut aalajangersakkanik illuliortaatsimut politikkip male-ruarnissaanut pingaaruteqartunik imaqpapat, tunniussinissap nalunaarutigineqarnissaa sioqquillugu

pilersaarummi pissutsinik aalajan-gersimasunik malinnittooqarnersoq oqartussaqarfimmit uppernarsa-asiortoqarnissaa piumasarineqar-sinnaavoq, imaluunniit sanaartor-nerup aallartinnissaa sioqquillugu uppernarsaatissat tunniuttarnis-saat piumasaqaatinngortinneqar-sinnaalluni.

Iilloqarfimmik allanngortiterinerni pilersaarutinut anginernut sana-artornernullu atatillugu, sanatit-sisutut attuumassuteqartup pilersaarusiornermut akisussaasuuusup kommunimik oqaloqateqarnissani aallartisassavaa. Kommunimut kis-saatigineqarpoq illuliornermi kus-anartuliortaatsikkut pitsaassutsit pillugit piumasaqaateqarnissamut oqaloqatigiinnikkut siunnersuisar-nikkullu pisassasut, taamaalilluni politikkimi naleqartitat anguniakkallu piviusunngortinneqartassamata. Iilloqarfimmik allanngorti-terinermut pilersaarutit angisuut

sanaartornerillu tamakkiisumik pilersaarutitaqarnissaat pisariaqar-poq imaluunniit illusanik titarta-asartut unammisinneqarnissaat aallartinneqarsinnaalluni. Tamatumal saniatigut pilersaarutit sukumiisut eqqarsaatigalugit kommu-nimit najoqqtassaliortoqassaaq. Tamatumal kingorna pilersaarutit sukumiisut pitsaassutsimut piumasaqaatinik malinnissimanersut ma-linnaavigineqassapput.

Siunissami kommunimut pilersa-arutit angisuut illuliortaatsimut politikkimi anguniakkat qanoq ma-linneqartiginersut pissutsit piviusut sanaartorneqartullu eqqarsaati-galugit naliliivigisarnissaat siuner-taralugit, ukiut ingerlareernerini nalilorsorneqartalertariaqaraluar-put, aammalu pilersaarut sutigut iluaqutaasimanersoq ilangullugu, pitsaasuusimanersoq pitsaasuusi-mannginnersorluunniit.



Ilitsersuisutut isumassarsiorfittullu

Atuarfinni atuartisinerit, inuiaqatigiinni oqallinnerit sanatitsisullu ikiorneqarneri pillugit

Illuliortaatsimut politikkip inerisarneqarnissaa akuersissutiginegarneralu innuttaasunut oqariartuuteqarpoq: Kommuneqarfik Sermersumi illuliortaaseq pitsasoq siuarsarusupparput, pissutigalugu inuiaqatigiinnut, ataatsimooqatigiinnut aammalu inunnut ataasiakkaanut pingaaruteqarmat pitsasumillu inerisaalluni. Alloriarneq pingaaruteqartuuvoq ukiuntulliuttuni tamanut paassisutissiisarnikkut illuliortaaserlu pitsasoq pillugu oqallilluarnikkut malinnaaffigineqartariaqartoq.

Kommunimi meeqqat tamaasa meeqqat atuarfianni ilinniagaqar-

nissaat Kommuneqarfik Sermersuumit akisussaaffigineqarpoq. Qulakteertariaqarparput meeqqat tunngaviusumik atuarnerminni illuliortaaseq paasisimasaqarfigileriissagaat. Illuliortarnermi kulturerput, qanga maannakkullu pisut ilinniassagaat, aammalu init pitsasut nuannaarnermut takorluisinnaassutsimullu qanoq iluaqutaatisus misigisaqarfigissagaat.

Sanatitsisumut siunnersuineq aqqutigalugu illuliortaatsip pitsaasup siuarsarnissaanut Kommuneqarfik Sermersuumit kaammattusoqassaaq; pisortat namminersortullu eqqarsaatigalu-

git. Illuliortaatsimut politikki akuersissutigisimagipput sanatitsisumut ilisimatissutigissavarput, aamma politikkip malinnissaa eqqarsaatigalugu pilersaarusrnermi pisutsit allanngortinneqassanersut naliliinissamut sanatitsisut neqerorfigineqarsinnaapput.

Kommunimit illuliortaatsimut politikki ikorfartorneqarsinnaavoq ilaannikkuinnarlu illuliortaatsimut nersornaammik nersorinnitarluni.

Sakkussat

Illuliortaatsimut politikkip iliuuseqarnissamut sukumiisunik sakkussaqarluni inerisaqqinnissaa pillugu

Una »Kommuneqarfik Sermersuup Illuliortaatsimut politikkia« immik-koortoq siulleq ilanngussartaqann-
gitsoq akuersissutigeqqaarneqas-
saaq. Ukiuni tulliuttuni ilanngussat
arlallit Iliuusissami sakkussatut
atorneqarsinnaasut akuersissutigi-
neqarnissaat anguniagaavoq.

– eriaginninnissamut pilersaaru- tit

Sakkussat pitsaasut tassaasinnaap-
put illunik eriagisassatut toqqar-
neqarsimasunik misissuinermi
atugassat. Matumani tamanut
nassuaatigisinnaavarput soq
eriagisassaanersut; illu kulturikkut
oqaluttuarisaanermi sukkut immik-
kuullarequteqarnersoq. Aamma
imaassinaavoq sakkussat tamanut
illunillu piginnittunut anngussiniar-
nermi atugassat aamma siunissami
illunik eriagisassanik naliliinissami
ingerlatsivimi atugassat.

– assersuutitut katersat

Sakkussatut assersuutaasinnaavoq
illuliortaaseq pitsaasoq, tassanilu

takussavarput soq illuliortaaseq
pitsaasuunersoq, aammalu illu-
liortaatsimut politikkimut sukkut
attuumassuteqarnersoq. Aamma
imaassinaavoq sakkussaq atuar-
fimmi atuartitsinermi atugassaq,
aamma ingerlatsivimmit oqartus-
saqarfimmillu siunnersuinissamut
isumassarsiortitsinissamullu pisari-
aqartitsisoqaraangat. Illuliortaatsip
pitsaasup qanoq ittpu assersuuti-
gineqarnerata akuersissutigineqar-
nerani tamat peqqinnartumik
oqallinnissaannut kinguneqartus-
saavoq.

Assersuutitut katersat tassaasinna-
apput inissianut inissiaqarfinnullu
tunngasut, aammalu katersat allat
tassaasinnaapput illoqarfimmi il-
loqannginnersanik takutitsisut nas-
suaateqartullu: Suut pitsaasumik

sunniuteqarpat suullu pitsavalla-
anngitsumik sunniuteqarpat? Qule-
quqtat sisamarisinnaavaat sanaar-
tukkat nunatallu akornanni pissutsit.

Katersaalluartut Kommuneqarfik
Sermersuumut illuliortaaseqarner-
mi iltsersuutaalluarsinnaapput.

– illuliortaatsimi nersornaat

Illulianut, sanaartukkanut imaluun-
niit atortussaateqarnermi sanaartuk-
kat iluatsilluartut pillugit arlalitsigut
assigiinngitsutigut illuliortaatsimi
nersorinnittoqarsinnaavoq. Illulior-
taatsimi nersorinninnermi kommu-
nimit pilersaarut aalajangersimasoq
atorlugu tamanut oqallissaarissaaq
oqartoqarluni isumaqarluta taman-
na pitsaasusooq nassuiarlugulu
soq taamaannersoq. Nersorinnin-
nitsigut sanatisisussat kaammat-
tussavagut suli assoroernerussasut,
neroqqullugit immaqa ulla ilaanni
nersornaatisinnaasut.



